

**Nik, IÑIGO ROLDAN CATALAN jaunak, Oñatiko Udal idazkari naizen honek,**

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioko funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

**Honako hau EGIAZTATZEN DUT:**

Idazkaritza honetan nire ardurapean dauden datuen arabera, **Tokiko Gobernu Batzarrak, 2022ko uztailaren 28an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

**5.- Onartzea, hala badagokio, Alkateak gai honi buruz egindako proposamena: Errotuluak eta irudi korporatiboa euskaraz jartzeko 2022ko dirulaguntza, onuradun zerrenda onartzea.**

Alkate-udalburuaren 2022ko uztailaren 27ko proposamenak dio:

**Gaia:** Errotuluak eta irudi korporatiboa euskaraz jartzeko 2022ko dirulaguntza, onuradun zerrenda onartzea.

2022ko uztailaren 19an egindako Euskara-Hezkuntza batzordearen aldeko irizpena jaso zuen ondorengo proposamenak, euskera teknikariak, Xabier Zabaleta Etxabek, ziurtatzen duenez.

*“Irma Juaristi Madinaren eskaera, errotuluak eta irudi korporatiboa euskaraz jartzeko dirulaguntzak*

*Osoko bilkurak 2022eko maiatzaren 26an onartu zituen Euskara Departamentuak kudeatzen dituen programaren kontura emango diren dirulaguntzen oinarri arautzaileak eta 2022ko deialdia (GAO, 108 zk., 2022ko ekainaren 8koa). Oinarri arautzaileetako eranskineko 1.1. atalean daude jasota errotuluak, irudi korporatiboa eta web gunea euskaraz jartzen dituzten entitateei dirulaguntzak emateko oinarri-arau espezifikoak.*

*Irma Juaristi Madina andreak, Irma Juaristi SL-ren izenean, errotuluak, irudi korporatiboa eta web gunea euskaraz jartzeko udalak ematen dituen dirulaguntza-eskaera egin du 2022ko ekainaren 16an (erregistro-zenbakia: 2022/S/2311), Ennea16 arropa-dendako hainbat elementu (Kale Barria, 16) euskaraz errotulatu dituelako.*

*Aurkeztutako dokumentazioaren arabera, denda barruko elementuak (biniloa, egurrean egindako grabatuak) eta bezeroentzako poltsak (6.000 ale) euskaraz errotulatu ditu, eta egindako gastuen fakturak aurkeztu ditu. Hona hemen aurkeztutako fakturen xehetasunak:*

- Biniloa: 252,98 euro, Rotudenak S.Coop (2022/06/15)
- Egurrean egindako grabatuak: 163,35 euro, Garbo Laser (2022/05/06)
- Paperezko poltsak: 3.049,20 euro, Bimak (2022/04/29)

*Agiriak aztertu ondoren, eta errotuluak eta irudi korporatiboa euskaraz jartzeko dirulaguntzen berariazko oinarrietan ezarritakoa kontuan hartuz, euskara-teknikariak proposatu du Irma Juaristi Madina andreari, dendako irudi korporatiboko hainbat elementu euskaraz jartzeagatik, 300 euroko laguntza onartzea.*

*Euskara-Hezkuntza Batzordeak aldeko irizpena eman duela kontuan hartuta, teknikariak honako hau proposatzen dio organo eskudunari:*

*.- Alai Baseta andreari 300 euroko dirulaguntza onartzea, dendako irudi korporatiboko hainbat elementu euskaraz jartzeagatik.”*

Hau guztia, Diru-laguntzei buruzko azaroaren 17ko 38/2003 Lege Orokorrek eta hura garatzen duen Erregelamenduak (887/2006 Errege Dekretua) eta Udalaren Diru-laguntzei buruzko Ordenantza Orokorrek ezarritakoa kontuan hartuta.

**38/2003.** Legean nabarmentzekoak dira artikulua hauek:

**30.2 artikulua:** “Justifikazio-kontua ematea onuradunaren edo erakunde laguntzailearen nahitaezko egintza da, eta bertan sartu behar dira, aitorzailearen erantzukizunpean, gastuaren egiaztagiriak edo diru-laguntzaren xedea

*bete dela egiaztatzeko balio juridikoa duen beste edozein dokumentu. Justifikazio-kontuaren forma eta hura emateko epea diru-laguntza publikoak arautzen dituzten oinarrietan zehaztuko dira.”*

**34.3 artikulua:** “*Onuradunak diru-laguntzaren xede den jarduera, proiektua, helburua edo portaera gauzatu izana justifikatu ondoren ordainduko da diru-laguntza, diru-laguntza arautzen duen araudian ezarritakoaren arabera. Justifikaziorik ez badago edo lege honen 37. artikuluan aurreikusitako arrazoiren bat gertatzen bada, diru-laguntza osorik edo zati batean kobratzeko eskubidea galduko da.”*

Halaber, 32/2018 Foru Dekretua, abenduaren 27koa, Gipuzkoako toki-sektore publikoko entitateen barne kontrolaren araubide juridikoa erregulatzen duena, bere 3.

**Artikuluan 1 eta 2** ataletan honakoa xedatzen du:

*“1. Tokiko sektore publikoaren jarduera ekonomiko-finantzarioaren barne kontrola organo kontu-hartzaileak egingo du eginkizun kontu-hartzailearen eta kontrol finantzarioaren bidez. Bi ariketa moduetan, 21/2003 Foru Arauaren 68. artikuluan aipatutako eraginkortasun eta efizientzia kontrola ere sartuko da.*

*2. Eginkizun kontu-hartzailearen xedea da toki entitatearen eta bere organismo autonomoen egintzak kontrolatzea, haien sailkapena edozein izanik ere, baldin eta egintza horien ondorioz eskubideak onartu edo gastuak egiten badira, bai eta haietatik erortzen diren sarrerak eta ordainketak nahiz haien funts publikoen inbertsio edo aplikazio orokorra ere, ziurtatu nahi baita haien kudeaketa kasu bakoitzean aplikagarri diren xedapenekin bat datorrela.”*

Jasota dago kreditu egokia eta nahikoa dagoela.

Azaldutakoagatik, euskara-hezkuntza batzordearen onetsiarekin, Tokiko Gobernu Batzarrari honako hau proposatzen diot:

**Lehenengoa.-** Euskara-hezkuntza batzordeak egindako proposamenean zerrendatutako norbanakoari diru-laguntzaren onuradun izaera berrestea, 2022ko diru-laguntzen deialdia ebaztea eta 300€ko gastua baimentzea, goian aipatutako xehetasunekin.

**Bigarrena.-** Onarpenarekin batera diru-laguntza ordaintzea norbanako bakoitzari.

**Hirugarrena.-** Ebazpen hau laburtua Gipuzkoako Aldizkari Ofizialean argitaratzea. Argitalpen honek banakako jakinarazpena ordezkatzuko du; eta jakinarazpena egintzat joko da eta lege ondorioak izango ditu ebazpena argitaratu eta biharamunetik. Interesdunek Oñatiko Udalaren webgunean (<https://www.xn--oati-gqa.eus/eu>) kontsultatu ahalko dute ebazpenaren eduki osoa.

**Laugarrena.-** Diru-laguntza hauen onuradunak Diru-laguntzen Datu Base Nazionalean (BDNS) argitaratzea.

**Bostgarrena.-** Erabaki hau kontu-hartzaileari, diruzainari eta euskera teknikariari jakinaraztea.

---

Gaia aztertuta eta gastuari dagokionez Kontu-hartzailearen oniritziarekin, Tokiko Gobernu Batzarrak aurreko proposamena onartzea erabaki du aho batez.

Ziurtagiri hau dagokion akta onartu baino lehen ematen da, eta ohartarazita geratzen da, 2568/1986 Errege Dekretua, azaroaren 28koa, Toki Erakundearen Antolaketa, Jarduera eta Araubide Juridikoaren Erregelamendua onartzen duen 206 artikulua arabera.

Honela jasota gera dadin eta bere ondorioak izan ditzan hau sinatzen dut sinadura digitalean agertzen den datan.

**Alkatearen O.I.**

**IDAZKARIA**

Izaro Elorza Arregui

Iñigo Roldan Catalan

